



KO TE

## KAHITI O NIU TIRENI.

HE MEA TA I RUNGA I TE MANA O TE KAWANATANGA.

[MOTUHAKÉ.]

PONEKE, TAITE, MEI 15, 1913.

*Rekureihana mo nga Rehitatanga o nga Whanautanga me nga Matenga o nga Maori.*

LIVERPOOL, Kawana.

OTA KAUNIHERA.

I te Whare Kawanatanga, i Poneke, i tenei te tekau ma iwa o nga ra o Maehe, 1913.

Tu ana i reira :

KO TE HONOURABLE A. L. HERDMAN HEI TUMUAKI MO TE KAUNIHERA.

I RUNGA i te whakahaerenga me te whakatutukitanga i nga mana kua whakawhiwhia ki a ia e tekiona rua tekau o te Ture Whakatikatika i te Ture Rehitatanga i nga Whanautanga me nga Matenga Tangata, 1912, ko His Excellency te Kawana o te Tomionia o Niu Tirenī, i runga i te tohutohu me te whakaae a te Kaunihera Whiriwhiri o taua Tomionia, tenei ka hanga i nga rekureihana e whai ake nei hei whakarite tikanga e rehitatia ai nga whanautanga me nga matenga o nga Maori.

REKUREIHANA.

NGA KAI-REHITA.

1. KA ahei te Kai-rehita Tianara i ia wa i ia wa ki te whakatu i ana tangata i whakaaro ai ia he tangata totika hei Kai-rehita mo nga whanautanga me nga matenga o nga Maori, me noho aua tangata ki nga kainga e whakataua ai e ia i ia wa i ia wa.

REHITATANGA O NGA WHANAUTANGA O NGA MAORI.

2. (1.) I roto i nga marama e rua i muri iho i te whanautanga o tetahi tamaiti Maori, i whanau i te 1 o nga ra o Maehe, 1913, i muri mai ranei, me whakaatu nga whakaaturanga e whai ake nei ki te Kai-rehita i whakaturia i raro i te rekureihana i runga ake nei :—

- (a.) Te ra me te kainga i whanau ai.
- (b.) Te ingoa iriiri o te tamaiti, a he tane he wahine ranei.

(c.) Nga ingoa o te papa me te whaea, me o raua hapu me to raua kainga.

(d.) Te momo o te papa me te whaea (mehemea Maori tuturu, he koata, he hawhe, he toru-koata kaihe ranei, hei te mea e rite ana).

(e.) Te ingoa me te tu o te kai-whakaatu.

(f.) Era atu whakaaturanga tera e hiahiatia e te Kai-rehita Tianara i i . wa i ia wa.

(2.) Ko nga tangata e huaina ana i raro nei kua meinga ma ratou e whakaatu mai ki te Kai-rehita nga whakaaturanga e whakahuatia nei i runga ake nei ina whanau tetahi tamaiti Maori :—

(a.) Ma te papa ma te whaea ranei o te tamaiti.

(b.) Ma te kai-noho i te whare i whanau ai ki reira te tamaiti.

(c.) Ma wai atu tangata ranei i reira i te whanautanga o te tamaiti.

(3.) Ahakoa nga kupu o te wahanga-tekiona i runga tonu ake nei, ki te whakaaturia mai e tetahi o nga tangata kua huaina nei i roto i taua wahanga-tekiona nga whakaaturanga e hiahiatia ana, hei reira kua watea era atu o aua tangata, i nga taumahatanga, ara kua kore he tikanga e whakaaturia mai ai e ratou aua whakaaturanga.

Ka ahei te Kai-rehita ki te rehita i te whanautanga o tetahi tamaiti Maori ina whakaaturia ki a ia nga whakaaturanga kua huaina i runga ake nei—

(a.) E te Tiamana e tetahi mema ranei o te Kaunihera Maori e mohio ana ki taua whanautanga ;

(b.) E tetahi minita karakia e mabi ana i roto i taua takiwa a e mohio ana ki taua whanautanga ;

(c.) E tetahi tangata ke atu ranei e marama ana i te Kai-rehita e mohio ana ki taua whanautanga a he pono ana korero e korero mai ana ki a ia.

3. (1.) A te taenga atu o nga whakaaturanga o te whanautanga o tetahi tamaiti Maori i runga i nga tikanga kua kiiia ake nei, me tuhi aua whakaaturanga e te Kai-rehita ki roto ki te Pukapuka Rehita Whanautanga, a ki runga hoki i tetahi wharangi taurira ma te Kai-rehita Tianara e tuku atu ki a ia mo taua mahi.